

ձեռն հասանէր, զմերկս զգեցուցանէր, զքաղցեալսն կերակրէր, զմուրսն խրատէր, զստահակս և զանհոգս տիրապետէր եւ ի գործի կացուցանէր, զբամի տէր առնէր, կարգէր եւ ի տեղիս մարդկան կացուցանէր, զաշակերտս գործոյն՝ պետս յօրինէր, ջանայր ստիպէր ի բաց կալ ի հպարտութենէ և յարբեցութենէ, զծերս պատվել և յեկեղեցիս կանխել: Եւ իւր էր սովորութիւն երեկոյի և առաւօտի, այն և առանց Եկեցցէի ոչ նիրհել: Եւ ոչ գիտէր զդպրութիւն և սակս զբաղմանց ոչ կարէր ուսանել: Ստիպէր հարկէր զամուսինն իւր բովանդակ ունել զԵկեցցէն ի բերան Հաւատով խոստովանոյլ՝ սահման արարեալ իւրեանց: Այս Ամբակում գնացեալ յերուսաղէմ ի ժամանակ ամենահանճար և բազմանորոգ առն Աստուծոյ հայրապետին Գրիգորի՝ յաջորդի սրբոյ Աթոռոյն, յամի որ Յոյնք խայտառակեալ ծուռ առնէին զտօն Զատիկին ի Ծաղկազարդէ կիրակին, որ Ապրիլ 2, ի թվին ՌՁԿ: Եւ պատմէր ամենայն գիտութեամբ զվատաբաստիկ լինել Յունաց ի նոյն վատթարախորհուրդ, իսկ զՀայոցս ամենապայծառութիւն մեծի խրախուժեան սրբոյ Զատիկին, որ ի ԺԿ-ն Ապրիլի, յոյժ տենչազարդութիւն, որ յեւանելն լուսոյն ի կենսատու Սուրբ Գերեզմանէն, ասէ, սփռէր առ ի հոգիս մեր ամենաճեմ հրճուարանին որ ի մէջ տաճարին և աշխարհաժողով մատրանին մեծի Յարութեան Փրկչին մերոյ Քրիստոսի Յիսուսի, ծածկափղձկեալ¹⁾ լինելոյ այլասեռիցն առ ի բերկրութիւն արմենազնիս Հայոց ուղղադատութեան զնախնիսն ճշմարտելով: Եւ սիրեցեալ լինէր յաչս սուրբ հայրապետին, և յորժամ գայր անտի, գրէ գիր սուրբ հայրապետն Գրիգոր առ եկեղեցին Սուրբ Սարգսի թէ Իմ երեսփոխան է Ամբա-

1) ծածկափղզկեալ.